



Broj: 02-05-1048/18  
Lukavac, 17.07.2018. godine

Na osnovu člana 64. stav (1). tačka b), člana 25., člana 70. stavovi (1), (3) i (6) Zakona o javnim nabavkama („Sl. glasnik BiH“, broj: 39/14), člana 8. stav (2) tačka (d) Pravilnika o uspostavljanju i radu Komisije za nabavke („Službeni glasnik BiH“, broj 103/14) i člana 6.tačka (10) Pravilnika o uspostavljanju i radu Komisije za javne nabavke broj: 02-02-2-386/15 od 13.03.2015. godine, na Preporuku Komisije za provođenje postupka javne nabavke broj: 02-05-1048/18 od 30.05.2018. godine u otvorenom postupku javne nabavke radova za odvodnju oborinskih i otpadnih voda u gradu Lukavac Općinski načelnik d o n o s i

### ODLUKU

o izboru najpovoljnijeg ponuđača za nabavku radova odvodnje oborinskih i otpadnih voda u gradu Lukavac

#### Član 1.

Prihvata se preporuka Komisije za provođenje postupka javne nabavke broj: 02-05-1048/18 od 30.05.2018. godine i Ugovor za javnu nabavku radova za odvodnju oborinskih i otpadnih voda u gradu Lukavac dodjeljuje se ponuđaču JV(zajedničko poduzetništvo): "ROADING" d.o.o. Gračanica, "JATA GROUP" d.o.o. Srebrenik i "PUTOVI" d.o.o. Grude, ponuda broj: 031/18 od 16.05.2018. godine, za ponuđenu cijenu u vrijednosti od 4.362.566,48 KM bez PDV-a, kao najpovoljnijem ponuđaču.

#### Član 2.

Izabrani ponuđač, odnosno svači član JV (zajedničko poduzetništvo): "ROADING" d.o.o. Gračanica, "JATA GROUP" d.o.o. Srebrenik i "PUTOVI" d.o.o. Grude dužan je nakon prijema odluke o izboru dostaviti **u roku od 7 dana** slijedeće:

1. Dokumenta iz člana 45. stav(2), tačke a), b), c) i d) Zakona o javnim nabavkama BiH(Službeni glasnik BiH“, broj: 39/14) – (u daljem tekstu: Zakon), a koji su navedeni i u tački 12.1., podtačke a), b), c) i d) Tenderske dokumentacije broj: 02-05-1048/18;

Ovlašteni predstavnik JV(zajedničko poduzetništvo) "ROADING" d.o.o. Gračanica dužan je nakon prijema odluke o izboru dostaviti **u roku od 7 dana** slijedeće:

1. Dokumenta iz člana 47. stav (1) tačka a) Zakona, a koji su navedeni i u tački 13.2.2., podtačka a) Tenderske dokumentacije broj: 02-05-1048/18. Izabrani ponuđač je u sastavu ponude dostavio Izveštaj o računima pravne osobe Centralne Banke Bosne i Hercegovine na dan 23.04.2018. godine, te je dužan dostaviti originale ili ovjerene kopije potvrda za slijedeće poslovne banke: BBI DD SARAJEVO (broj računa:1413875320026567), INTESA SANPAOLO BANKA BOSNA I HERCEGOVINA (broj računa:1543602001396183), UNICREDIT BANK DD (broj računa: 3389002201274263), NLB BANKA D.D., TUZLA (broj računa: 1321800302800018) i VAKUFKA BANKA DD SARAJEVO ( broj računa: 1603605500011881);

2. Dokumenta iz člana 47. stav (1) tačka c) Zakona, a koji su navedeni i u tački 13.2.2. podtačka c) Tenderske dokumentacije broj: 02-05-1048/18;

3. Dokumenta koji su navedeni u tački 13.2.2., podtačka d) Tenderske dokumentacije broj: 02-05-1048/18;





4. Dokument iz člana 62. stav (2) Zakona, a koji je naveden i u tački 13.4.3. Tenderske dokumentacije broj: 02-05-1048/18;

5. Dokument koji je naveden u tački 13.3.4. Tenderske dokumentacije broj: 02-05-1048/18;

Dostavljeni dokazi moraju biti originali ili ovjerene kopije i ne smiju biti stariji od 3 (tri) mjeseca računajući od dana predaje ponude.

### **Član 3.**

Ukoliko Izabrani ponuđač, odnosno svaki član grupe, ne dostavi dokaze iz prethodnog člana ove Odluke u ostavljenom roku i na način propisan Zakonom i Tenderskom dokumentacijom, postupak dodjele ugovora za javnu nabavku bit će poništen.

### **Član 4.**

Prijedlog ugovora o nabavci dostavit će se na potpis izabranom ponuđaču nakon isteka roka od 15 (petnaest) dana, računajući od dana kada su svi ponuđači obavješteni o izboru najpovoljnije ponude.

### **Član 5.**

Ova odluka objavit će se na internet stranici ugovornog organa ([www.lukavac.ba](http://www.lukavac.ba)) istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

### **Član 6.**

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama.

## **O b r a z l o ž e n j e**

Postupak javne nabavke pokrenut je Odlukom o pokretanju postupka javne nabavke broj: 02-02-1-1047/18 od 23.04.2018. godine. Javna nabavka sprovedena je otvorenim postupkom nabavke. Procjenjena vrijednost javne nabavke bez PDV-a je 4.384.615,49 KM.

Obavještenje o nabavci broj: 719-1-3-9-3-27/18 objavljeno je na Portalu javnih nabavki dana 24.04.2018. godine.

Komisija za provođenje postupka nabavke imenovana Rješenjem broj: 02-05-1192/18 od 04.05.2018. godine dostavila je ugovornom organu-općinskom načelniku Zapisnik o pregledu i ocjeni ponuda broj: 02-05-1048/18 od 30.05.2018. godine, Preporuku o izboru najpovoljnijeg ponuđača broj: 02-05-1048/18 od 30.05.2018. godine i Izvještaj o radu broj: 02-05-1048/18 od 30.05.2018. godine.

U postupku po Izvještaju o radu je utvrđeno da je Komisija za provođenje postupka nabavke blagovremeno i pravilno izvršila otvaranje, pregled i ocjenu pristiglih ponuda, o čemu je sačinila odgovarajuće zapisnike, u kojima je utvrđeno sljedeće:

- da je u predmetnom postupku primljena jedna ponuda;
- da je blagovremeno primljena jedna ponuda;
- da nije bilo neblagovremeno primljenih ponuda;
- da je ponuda ponuđača JV(zajedničko poduzetništvo): "ROADING" d.o.o. Gračanica, "JATA GROUP" d.o.o. Srebrenik i "PUTOVI" d.o.o. Grude kvalifikovana i prihvatljiva, naime dostavljeni su svi traženi dokazi propisani tenderskom dokumentacijom, na propisan način.

U postupku donošenja ove Odluke, posebno su cijenjene činjenice da je Komisija, pravilno i potpuno izvršila ocjenu kvalifikovanosti ponuđača te pregled i ocjenu ponuda, u skladu sa kriterijima iz Tenderske dokumentacije.



U postupku ocjene provedenog postupka, nisu nađene nepravilnosti niti propusti u radu, koji bi eventualno bili osnov za neprihvatanje Preporuke Komisije za provođenje postupka javne nabavke.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i Tenderskom dokumentacijom. Uvidom u priloženu tendersku dokumentaciju utvrđeno je da procijenjena vrijednost nabavke bez uključenog PDV-a iznosi 4.384.615,49 KM i da je kriterij za dodjelu ugovora najniža cijena.

Ponuđač JV(zajedničko poduzetništvo): "ROADING" d.o.o. Gračanica, "JATA GROUP" d.o.o. Srebrenik i "PUTOVI" d.o.o. Grude dostavio je prihvatljivu ponudu sa cijenom od 4.362.566,48 KM bez PDV-a koja je u odnosu na kriterij za dodjelu ugovora ocijenjena kao najpovoljnija.

Iz navedenih razloga, primjenom člana 64. stav (1) tačka b) Zakona o javnim nabavkama, člana 25., člana 70. stavovi (1), (3) i (6) Zakona o javnim nabavkama („Sl. glasnik BiH“, broj: 39/14), člana 8. stav (2) tačka (d) Pravilnika o uspostavljanju i radu Komisije za nabavke („Službeni glasnik BiH“, broj 103/14) i člana 6. tačka (10) Pravilnika o uspostavljanju i radu Komisije za javne nabavke broj: 02-02-2-386/15 od 13.03.2015. godine riješeno je kao u članu 1. ove Odluke.

#### **Pouka o pravnom lijeku:**

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke.

Žalba se predaje ugovornom organu, direktno ili preporučenom poštanskom pošiljkom na adresu: Općina Lukavac, Trg Slobode 1, 75 300 Lukavac, a izjavljuje se Uredu za razmatranje žalbi Bosne i Hercegovine u Sarajevu.

Žalba se podnosi u najmanje tri primjerka.

Na žalbu se plaća administrativna taksa u iznosu i na način propisan članom 108. Zakona o javnim nabavkama („Službeni glasnik BiH“, broj 39/14).

Obrađivač: M.K.-T.

*M.K.-T.*



**OPĆINSKI NAČELNIK**  
Dr. Sci. Edin Delić

#### **Dostaviti:**

1. JV(zajedničko poduzetništvo): "ROADING" d.o.o. Gračanica, "JATA GROUP" d.o.o. Srebrenik i "PUTOVI" d.o.o. Grude
2. Evidenciji i
3. Arhivi.-